

Muhyiddin: Umno lebih bertimbang rasa dari PAS

MalaysiaKini.com

January 10, 2012

Hazlan Zakaria

Umno akan memberi peluang kepada bekas pesuruhjaya PAS Selangor Datuk Hasan Ali untuk membela diri dan tidak memecatnya secara melulu seperti yang dilakukan oleh parti itu, kata timbalan presiden Umno, Tan Sri Muhyiddin Yassin.

muhyiddin yasin muhyiddin yassin" Ini perkara dalaman PAS, yang kita tidak pernah campur tangan. Tetapi dalam dalam Umno, kita ada sistem demokrasi yang berdasarkan Islam," kata Muhyiddin yang juga adalah timbalan perdana menteri.

"Jika ahli membuat kesilapan, kita tidak pecat secara melulu. Tiada tindakan disiplin akan diambil tanpa memberinya peluang membela diri," katanya pada sidang akhbar di Putrajaya hari ini.

Katanya, sistem PAS yang memperuntukkan kuasa mutlak kepada majlis jawatankuasa pusat membenarkan parti itu memecat Hasan tanpa sebarang pembelaan.

"Lihat Umno lebih bertimbang rasa berbanding parti lain," kata Muhyiddin sambil menjelaskan t Umno akan memberi masa yang secukupnya kepada pesalah untuk menjawab kepada jawatankuasa disiplin dan membuat pembelaan mereka.

Ditanya mengenai tawaran yang dibuat oleh naib presiden Umno Datuk Seri Ahmad Zahid Hamidi yang mempelawa Hasan menjadi parti Melayu itu sebagai gelanggang meneruskan perjuangannya, Muhyiddin berkata ia bukan tawaran rasmi Umno.

Hasan ali pc" Kita (Umno) tidak pernah buat tawaran. Saya percaya Hasan pemimpin yang bijak dan berpengalaman. Jika beliau ingin mengaggotai mana-mana parti politik, itu pilihannya.

"Jika menegakkan Islam bukan lagi perjuangan PAS, terpulang kepada kebijaksanaannya membuat pilihan," kata Muhyiddin.

Ditanya sama ada Umno akan membuka pintu kepada Hasan, timbalan perdana menteri berkata tidak ada sebab untuk tergesa-gesa.

"Umno sentiasa buka pintu kepada sesiapa jika mereka berminat dan bersedia berjuang dengan kita."

Copyright © 1999-2012 Mkini Dotcom Sdn. Bhd

<http://www.malaysiakini.com/news/186232>